



# *THEOT The Song of Azariah (found in the Book of Daniel) in EMMML 38*

Ff. 154r — 155r

For the books of the Daniel cycle, the following people were involved in creating first, second, and third drafts of transcriptions: Hiwot Samuel, Ashlee Maslik, Jonah Sanford, Steve Delamarter, Qidist, Dejene, and Sarah Vulcan. Draft 4,

Transkribus; Draft 5, Steve Delamarter; Draft 6: Demeke Berhane; Draft 7: Delamarter and Berhane; Draft 8, Ralph Lee

*Nota Bene:* Images may be viewed at vHMML at <https://w3id.org/vhmml/readingRoom/view/201880> (starting at image 157)

- DanBDan 03:024 ወአንሶሰው ማእከለ እሳት ወባርክዎ ለእግዚአብሔር ወአእኩትዎ ለእግዚእናሁ።
- DanBDan 03:025 ወቆመ አዛርያ ወጸለየ ከመዝ ወከሠተ አፉሁ በማእከለ እሳት።
- DanBDan 03:026 ወይቤ ይትባረክ እግዚአብሔር አምላክ አበዊነ እኩት ወስቡሕ ስምክ ለዓለም
- DanBDan 03:027a እስመ ጻድቅ አንተ በኩሉ ዘአምጸእክ ላዕሌነ። እሙን ኩሉ ግብርክ
- DanBDan 03:027b ወርቱዕ ኩሉ ፍናዊክ ወጽድቅ ኩሉ ኩነኔክ።
- DanBDan 03:028a ወገበርክ ፍትሐ ወርትዓ በኩሉ ዘገበርክ ዲቤነ። ወዲበ ሀገረ አበዊነ ኢየሩሳሌም ቅድስት
- DanBDan 03:028b እስመ በኩነኔ ርትዕክ አምጸእክ ዘተ ኩሎ በእንተ ኃጢአትነ
- DanBDan 03:029 እስመ አበስነ ወጌገይነ ዘኃደግናክ። ዓመፅነ በኩሉ
- DanBDan 03:030 ወኢሰማዕነ ትእዛዘክ ኢዓቀብነ ወኢገበርነ በከመ አዘዝክነ ከመ ይኩን ሠናየ ላዕሌነ
- DanBDan 03:031 ኩሎ ዘአምጸእክ ላዕሌነ። ወኩሎ ዘገበርክ ዲቤነ በኩነኔ ጽድቅክ ረሰይክ
- DanBDan 03:032 ወመጠውከነ ውስተ እደ ፀርነ ኃጥአን ወዓላውያን እለ ርሑቃን ወግሑሳን ወንጉሥ ዓማፂ ወእኩይ እምኩሉ ምድር
- DanBDan 03:033 ወይእዚኒ አኮ መጠንነ ንክሥት አፉነ ኃፍረተ ወኃሣረ ዘኮነነ ለአግብርቲክ ወለእለ ይፈርሑክ
- DanBDan 03:034 ኢትመጥወነ ለግሙራ በእንተ ስምክ ወኢትሚጥ ኪዳነክ
- DanBDan 03:035a ወኢታርሳቅ ምሕረተክ እምኔነ። በእንተ አብርሃም ፍቁርክ
- DanBDan 03:035b ወበእንተ ይስሐቅ ቀላዲክ። ወበእንተ እስራኤል ቅዱስክ።
- DanBDan 03:036a እለ ተናገርኮሙ ወትቤሎሙ ከመ ታብዝኅ ዘርእሙ ከመ ኮከበ ሰማይ
- DanBDan 03:036b ወከመ ጥፃ ዘጽንጋን ባሕር።
- DanBDan 03:037 እስመ ውሑዳን እሙንቱ እምኩሉ አሕዛብ። ወኮነ ኅሡራነ በኩሉ ምድር ዮም በእንተ ኃጢአትነ።
- DanBDan 03:038a አልቦ በዝተ መዋዕል መልአክ ኢንጉሥ
- DanBDan 03:038b ኢቀርባን ወኢመሥዋዕተ ወኢኅበ ያጽነሐንሑ ዕጣነ
- DanBDan 03:038c ወኢብሔር ኅበ እለ ይፈርዩ በቅድሚክ ወይርከቡ ሣህልክ
- DanBDan 03:039 ዳእሙ በነፍስ የዋህ ወበመንፈስ ትሑት ተወከፍ ለነ
- DanBDan 03:040a ከመ ዘመሥዋዕተ ኃራጊት ወአልህምት ወከመ ዘአእላፍ አባግዕ ስቡሓን
- DanBDan 03:040b ከማሁ ይኩን መሥዋዕቲነ በቅድሚክ ዮም

- DanBDan 03:040c ወፍጹመ ይኩን በኅቢከ ወይትፈም በድኅሬከ ከመ ኢይትኃፈሩ ኩሎሙ እለ  
ይትፔከሉከ።
- DanBDan 03:041 ወይእዚኒ ንተልወከ በኩሉ ልብነ ወንፈርሃከ ወነኃሥሥ ገጸከ
- DanBDan 03:042 ዳእሙ ወኢታስተኃፍረነ ወግበር ምስሌነ በከመ ተመይጦትከ ወበከመ ብዙኃ ምሕረትከ
- DanBDan 03:043 አድኅነነ በተአምረከ ሀብ ስብሐተ ለስምከ እግዚአ
- DanBDan 03:044a ወኢይኅሠሩ እለ የኃሡከ ይትኃፈሩ ኩሎሙ እለ አርአይዎሙ ሥቃየ ለአግብርቲከ
- DanBDan 03:044b ይትኃፈሩ በኩሉ ትዕግልቶሙ ወይትቀጥቀጥ ኃይሎሙ
- DanBDan 03:045 ወያእምሩ ከመ አንተ እግዚአብሔር አምላክ ባሕቲትከ ስቡሕ በኩሉ ምድር ወበኩሉ  
ዓለም።
- DanBDan 03:046a ወኢኅደጉ አስተዋድዮቶሙ እለ ይወድዩ ውስተ እቶነ እሳት ዘይነድድ ወዓልዎን ኅበ  
ንጉሥ
- DanBDan 03:046b ውስተ እሳቱ ተይ ወፒሳ ወሠጢጳዮን ወቀለምጢዳ
- DanBDan 03:047 ወተለዓለ ነበልባሉ እምእቶን ፵+ ወ፱ በእመት
- DanBDan 03:048 ወያንሶስዩ ወያውዒ ከለዳውያነ ዘተረከቡ ኅበ እቶኖሙ ለፋርስ
- DanBDan 03:049a ወወረደ መልአከ እግዚአብሔር ምስለ ምእስለ አናንያ ወአዛርያ ወሚሳኤል ኅበ
- DanBDan 03:049b እቶነ እሳት ወዘበጦ ለነበልባለ እሳት ዘ+ እቶን
- DanBDan 03:050a ወረሰዮ በማእከለ እቶን ከመ ነፋስ ቈሪር
- DanBDan 03:050b ወኢለከፎሙ ወኢያመነድቦሙ ወኢምንተኒ ወኢሰሐጦሙ ወኢያጽዓቆሙ
- DanBDan 03:051a ሶቤሃ እሙንቱ ሠለስቲሆሙ ነበቡ ኅቡረ በ፩+ አፍ
- DanBDan 03:051b ሰብሑ ወአእኩቱ ወባረክዎ ለእግዚአብሔር በውስተ እቶን ወይቤሉ
- DanBDan 03:052a ይትባረክ እግዚአብሔር አምላክ አበዊነ ስቡሕኒ ውእቱ ወልዑልኒ ውእቱ ለዓለም።
- DanBDan 03:052b ወይትባረክ ስመ ስብሐቲሁ ቅዱስ ስቡሕኒ ውእቱ ወልዑልኒ ውእቱ ለዓለም።
- DanBDan 03:053 ቡሩክ አንተ በጽርሐ ቅድሳተ ስብሐቲከ። ስቡሕኒ አንተ ወእኩት አንተ ለዓለም።
- DanBDan 03:054a ቡሩክ አንተ ዘትሬኢ ቀላያተ ነቢረከ ላዕለ ኪሩቤል።
- DanBDan 03:054b ስቡሕኒ አንተ ወልዑልኒ አንተ ለዓለም።
- DanBDan 03:055 ቡሩክ አንተ በዲበ መንበረ መንግሥትከ። ስቡሕኒ አንተ ወቡሩክ አንተ ለዓለም
- DanBDan 03:056 ቡሩክ አንተ በመልዕልተ ሰማያት ስቡሕኒ አንተ ወክቡርኒ አንተ ለዓለም።
- DanBDan 03:057 ይባርክዎ ኩሉ ግብረ እግዚእ ለእግዚአብሔር። ስቡሕኒ ውእቱ ወልዑልኒ ውእቱ  
ለዓለም።
- DanBDan 03:058 ይባርክዎ ሰማያት ለእግዚአብሔር። ስቡሕኒ ውእቱ ወልዑልኒ ውእቱ ለዓለም።
- DanBDan 03:059 ይባርክዎ መላእክተ እግዚእ ለእግዚአብሔር። [ ]
- DanBDan 03:060 ይባርክዎ ኩሉ ማያት ዘመልዕልተ ሰማያት ለእግዚአብሔር። [ ]
- DanBDan 03:061 ይባርክዎ ኩሉ ኃይለ እግዚእ ለእግዚአብሔር። [ ]
- DanBDan 03:062 ይባርክዎ ፀሐይ ወወርኅ ለእግዚአብሔር። [ ]
- DanBDan 03:063 ይባርክዎ ከዋክብተ ሰማይ ለእግዚአብሔር። [ ]
- DanBDan 03:064 ይባርክዎ ጠል ወዝናም ለእግዚአብሔር [ ]
- DanBDan 03:065 ይባርክዎ ኩሉ መንፈስ ለእግዚአብሔር። [ ]
- DanBDan 03:066 ይባርክዎ እሳት ወላህብ ለእግዚአብሔር። [ ]
- DanBDan 03:067 ይባርክዎ ሌሊት ወመዓልት ለእግዚአብሔር። [ ]
- DanBDan 03:068 ይባርክዎ ጠል ወዓውል ለእግዚአብሔር። [ ]
- DanBDan 03:069 ይባርክዎ ቍር ወአስሐትያ ለእግዚአብሔር። [ ]

- DanBDan 03:070 ይባርክዎ በርህ ወጽልሙት ለእግዚአብሔር። [ ]
- DanBDan 03:071 ይባርክዎ ደደክ ወመርቄ ለእግዚአብሔር። [ ]
- DanBDan 03:072 ይባርክዎ በረድ ወጊሜ ለእግዚአብሔር። [ ]
- DanBDan 03:073 ይባርክዎ መብረቅ ወደመና ለእግዚአብሔር። [ ]
- DanBDan 03:074 ትባርኩ ምድር ለእግዚአብሔር። [ ]
- DanBDan 03:075 ይባርክዎ አድባር ወአውግር ለእግዚአብሔር። [ ]
- DanBDan 03:076 ይባርክዎ ኩሉ ዘይበቀላ ውስተ ምድር ለእግዚአብሔር። [ ]
- DanBDan 03:077 ይባርክዎ ቀላያት ለእግዚአብሔር። [ ]
- DanBDan 03:078 ይባርክዎ ባሕር ወአፍላግ ለእግዚአብሔር። [ ]
- DanBDan 03:079 ይባርክዎ አንበሪ ወኩሉ ዘይትሐወስ ውስተ ማይ ለእግዚአብሔር። [ ]
- DanBDan 03:080 ይባርክዎ ኩሉ አዕዋፈ ሰማይ ለእግዚአብሔር። [ ]
- DanBDan 03:081 ይባርክዎ ኩሉ አራዊት ወእንስሳ ለእግዚአብሔር። [ ]
- DanBDan 03:082 ይባርክዎ ደቂቀ እጓለ እመ+ ሕያው ለእግዚአብሔር። [ ]
- DanBDan 03:083 ይባርክዎ እስራኤል ለእግዚአብሔር። [ ]
- DanBDan 03:084 ይባርክዎ ካህናተ እግዚእ ለእግዚአብሔር። [ ]
- DanBDan 03:085 ይባርክዎ አግብርተ እግዚእ ለእግዚአብሔር። [ ]
- DanBDan 03:086 ይባርክዎ መንፈስ ወነፍስ ጻድቃን ለእግዚአብሔር። [ ]
- DanBDan 03:087 ይባርክዎ ጻድቃን ወትሑታነ ልብ ለእግዚአብሔር። [ ]
- DanBDan 03:088a ይባርክዎ አናንያ ወአዛርያ ወሚሳኤል ለእግዚአብሔር ስቡሕኒ ውእቱ ወልዑልኒ ውእቱ ለዓለም።
- DanBDan 03:088b እስመ አድጋነነ እም+ እደ ሲኦል ወእምእደ ሞት ባልሐነ
- DanBDan 03:088c ወእምእቶነ እሳት ዘይነድድ አንግፈነ ወአውፅኦነ እማእከለ ነበልባል
- DanBDan 03:089 ግነዩ ለእግዚአብሔር እስመ ኄር እስመ ለዓለም ምሕረቱ።
- DanBDan 03:090a ባርክዎ ለእግዚአብሔር ኩልክሙ አሕዛብ እለ ትፈርህዎ ለአምላክ አማልክት ሰብሕዎ
- DanBDan 03:090b ወግነዩ ሎቱ እስመ ለኩሉ ዓለም ምሕረቱ።